

# 1 Tezalonaaika

## Tezalonaaika mwaalyaraavina Poli pikariyikwia sinnawinya' yavikaryakesi.

Anga Tezalonaaika mwaalyaihi,

<sup>1</sup> Polinyi Saailaazalyi Timotilyi pikariyikwia da' yavikariwa. Kiraazitiyari limwange'neihi kusilaanyaviyaihirina yavikariwa. Gotiyai Nimwari wlamwaaidivi' Naanga Jizaazai Kiraazitiyari wlamwaaidivisaihirina yavikariwesi.

Gotiyai yange'na tewaanna yihigaimwagana! Gotiyare kwaamu'nanyabwi yihwarana!

*Tezalonaaika mwaalyara Jizaazare yagaalya' diraginna limwagesa'nesi.*

<sup>2</sup> Yuyagaa' Gotiyari widadaanyagaa' "Su! Tezalonaaika mwaalyara gimireraavina yilaaya gimarivanigo," widadaanyi. Nabaai, yuyagaa' sariminyina Gotiyari widadaanyi.

<sup>3</sup> Sareina nemire Gotiyai Nimwari widadaa "Kiraazitiyari sara limwadivisa'na tewaanyabwi sara yivanigava. Giminyi yilaaya yadaapiji a'mweraavina kale wiadaa'nyiya'na tewaanya miraaiki'manigava. 'Naangei Jizaazai Kiraazitiyai walaabathelyi,' dadivi' yemwaaidivi' diraginna daa'manigava. Su! Su!" Gotiyari sara widadaanyi.

4 Sare' neya'mweihi nayaa dara yawi'mwo. “Gotiyari Tezalonaaika mwaalyaraavina kale wiadelyi. Nabaai sahwaravina ‘Ninnyarera,’ dahilakiwakelyi,” sara yawi'mwo.

5 Sare'na Gotiyare yagaala tewaanya' yihithonegaa' yaasiwa' yagaalya'na mi'. Aawa. Kurya Tewaanyai diraginaangei diraginyainaavi kanemwaaaha' diragina kyihitho “Yagaala nebulya yihithivanigo,” sarimi Kiraazitiyari limwage'. Sagaa' sarimi dara yawire', “Widasaabadera nemiji mwaaleva tewaanna negaimwamaniga'. Sarera neminyina neyivanigasare.”

6 Sareina yadaawoji sarimi avaina yage'. Nabaai, Naangei yakabaaibi' sarimi avaina yage'. Sarimi Gotiyare yagaalya' maaresa'na kayaa'nanaanga yihye'. Sare' kiri' sarinnya munyikaavi Kurya Tewaanyai wilaayihimwaaidsi gaminyina yilaaya yadivi' yagaala sa' maaresaihilyi.

7 Sarevidaa'nyi tewaanna yadivi' Kwaaka Maazathoniya mwaalyaraji Kwaaka Giriza mwaalyaraji Kiraazitiyareraavi sarimi tewaanna dara wijiwaainesa' “O, Kiraazitiyareina sana sana yaanneina daaka!”

8 Sare' dare'nesi. Naangere yagaala widadaapiji sarimireba Maazathoniya yagaala sa' diwina yaka Kwaaka Giriza diwina. Gavebanyaina diwiyane'na mi'. Aawa. Sariminyina amwera kadika wi'neta yuyaba dara wi'nesasi. “Tezalonaaika mwaalyara Kiraazitiyari diragina limwamanigasare.” Sara deva savina nemi yagaala pini wija'ne

wawinya' mwari'.

<sup>9</sup> Sare' dare'nesi. Kumi sara neminyi nedivaniga' "Sari mi Tezalonaaika mwaal-yaraavi angyiri' maata kye' tewaanna yihima' mwa' daa'. Yihima' mwa' daasara kumire kulaka ge gengiji kwaasigotiyaraaviji yagalya' maveva Gotiyari midimwa' daa'. 'Gotiya Nebulyari widaadelyi yuyagaa' gaala mwaidei.

<sup>10</sup> Sigunyavidaasi Gotiyare Gawaali' walaa-bathe' na yemwalaana!' sara dadi' v' Gotiyari midimwa' daa'. Gotiyare Gawaali' Jizaazalyi. Sai kabala' Gotiyai yidikaava'. Yidikaavakei 'Divi Gotiyai sahwaravina similika nuladika!' daka padaihasamaara.'" Yuyara sara nedivaniga'.

## 2

### *Anga Tezalonaaika Poli yake'nesi.*

<sup>1</sup> Sare' dare'nesi. Neya' mweihi, sahwaihi dara yawi' mwaa' "Neminyawinna Widasabadera Apozeliyara angyiri' maata beva yagaala diraginya kanede' dinona 'Yagaala kune' mi'. Nemi midinaana!'"

<sup>2</sup> Nabaai dara yawi' mwaa' "Anga Pilipaai a' mwera Apozeliyaraavi kayaa' na yeva birala wiesarera." Sagaa' daanga kanevina' kiri' sariminyawinna bona nemire Gotiyai diraginya nemwaaihakeina lika myi yona Gotiyare yagaala tewaanya' yihitho. Pwara nede' "Sabwi mujywaakipina! Mala nayihiramaadika!" Sa' na yawirona kiri' lika myona diraginna yihitho.

<sup>3</sup> Sare' dare'nesi. Sareina yawita kayaa'nanya' malimwagyadaa girikita'nanyabwi myadaa kwaasi myihizadaa Gotiyarina yihiziwaako.

<sup>4</sup> Nemi kayaa'na myo. Aawa. Gotiyai dina “Sahwaraavi yaamiji mi'na a'mwe sara nimore wawinya' tewaanna yipi'de'nanyi,” dakabaaibi' gamire yagaalya' damaarya'neina nemwaaiha'. Sare'na damaryadaa myawiri “A'mweraavi yilaaya wigalaana!” Aawa. “Gotiyai nemire simunya wangaderi yilaaya wigalaana!” dadaa wijiwakadaanyaine.

<sup>5</sup> Sare' dare'nesi. Sariminyawinna wabwiwayagaalyasi mabyo. Yuyagaa' wabwiwayagaala myihizo. Sara yawi'mwaava. Sarimire gilyivisa maarya'na kwaasi yihithoina mi'. Wabarinnya' lika yulyarya'na yihithoina mi'. Sare' Gotiyai jalikurakivanikelyi.

<sup>6</sup> Nabaai, majina “Tezalonaaika mwaalyara yawipika! ‘Widasaabadera byaannakera.’ A'mwe pwaraji sara yawipika!” sara maji yona yihitho. Nemi Kiraaazitiyare Nedasaabadeinaavina “A'mwe naangere,” wija' tewaanyasi Naangereinaavine'na.

<sup>7</sup> Sara mwaiihoina kir'i' sariminyawi mwaalona nayaa kave yihyo. Kuvinaange' gannya kaimiraayang'i maremwaaidevaabi' nayaa kave yihyo.

<sup>8</sup> Sariminyina yilaaya sara nevu'nade'na Gotiyare yagaala tewaanya' yihitho. Sare' gave'na mi'. Aawa. Sariminyina tewaanya nevu'nade'na dara do. Tezalonaaika mwaal-yaraavi wigaimwagaaza'na balaade'nanyi.

<sup>9</sup> Sare' dare'nesi. Neya'mweihi, nemi

yawi'na “Tezalonaaika mwaalyaraavire wapaaya saza nagainadika! Aane pwai kwari taanga nujavaadika! Neminyine wapaaya sazanne nigwianna wawinya yaana!” Sara yawi'na yona Gotiyare yagaala tewaanya' yihithadaawoji tinna dara wangesa! “O, Widasaabadera, Apozeliyara wawinya naanga mraagiki'manigasara daaka! Sawisagaa' yirikegaa' yivanigasara daaka!”

10 Sarimi tinna nengadivi' Gotiyalyi' dara jalikurake! “Neminyina Widasaabadera tewaanyabwi yadivi' yida'maraangebwi nayaa yadivi' yiwetawakyabwi myivanigarera.”

11 Sareina kyo yi, ganimaanga pwai gannya kaimiraayang' nayaa yadevaabi' nemi sarimijiya gazarizari' nayaa yihyo'na yawi'mwaa!. Sarimire simunya tewaanna yihivaimwagana sarimire kuryara diraginna mwaalya'na yihithadaa diraginna dara yihizal'kurako.

12 Gotiyai yawi'na “Sahwaraavi maremwaalideinyi,” yawi'na yaka sariminyi yihizivwaramaarakelyi. “Ninnya byaannyaviji' nawi'nyaba maremwaaidinyaviji' wimwaaihima!” Gotiyai sara yihithahilakakerina sarimi' nayaa jamarila! Diraginna sara yihitho.

13 Sare' darevinyi. Sinnawi' sagaa' Gotiyare yagaala kyihitho newi'neva myawirina “Yagaala a'mweraavines.” Aawa. Yagaala sa' sarimi' maarina yeva yawi'na “Gotiyare yagaala nebulyasi.” Sara deva Gotiyare yagaala nebulya' warike'na sarimire simunyangi' Gotiyai

dīraginna yihiziwaakivani' Kiraazitiyari limwadivisaihi. Sara yesa'na yilaaya yona yuyagaa' Gotiyari widadaanyi. Su! Su!

<sup>14</sup> Sare' dare'nesi. Neya'mweihi, Kwaaka Juthiya mwaalyara Gotiyare kusilaanyangiyaraavine mididivisaihi yima'ne!. Yi sahwaravī kayaa'na yetabaaibi' pwara kayaa'na sara yihyesaihiyī. Juyara kumireba Kiraazitiya Jizaazareraavī kayaa'na yetabaaibi' sarimire kwaakevī mwaaidivisara kayaa'na yihyesaihiyī.

<sup>15</sup> Juya sahwaravī Gotiyari wi'nawijiwakyaasara piropetiyyaraavī tamakeva Naanga Jizaazari tamakeva nabaai neminyi neramaase!. Sare'na kumirebwi Gotiyai tinna wanganaka yilaaya mya!. Yi a'mwe yuyaraavine yikamaangere.

<sup>16</sup> Sahwaravī yawi'na “Ajimya yuyangiyaraavī Apozeliyyara nudipidika! Gotiyai Maaveraavī navadaihasamaaradika!” deva nede! “Dīraginna yihithwo ‘Yagaala sa' muji jideihilyi. Nayihiramaadika!’ ” Sara yadivi' a'mwe yuyaraavina yikamaangera yima'nesare. Sarera kunnya kayaa'nanya yune'na yesarera. Kiri' sareraavina Gotiyari yune'na sinna tika wida'mwakerera.

*Polī Tezalonaaika mwaalyaraavī  
angyiri'maata'na yawirake'nesi.*

<sup>17</sup> Neya'mweihi, nemī yihyagalya'mavona maalikegaa' sarimiji mamwaalyo'na sigiraayarabisaina yima'noinera. Nemī maavewi mwaidaa kiri' nemire simunya sariminyaba yuyagaa' wari!. “Sahwaravī

tinna wanganaana!” dona savina nevu'nada diraginna yaamiji yaamiji yo. Maavewi mwaaihasa'na kale neyada

18 sariminyina byiri'maasa'na diraginna yaamiji yaamiji yoine. Nabaai, sarevina Polinyi gazagaasagaa! “Tezalonaaikana wima!” dena yaamiji kyo Saataani kaanya nerih'daa'nyi sariminyi myihwanganywo.

19 Sare' dare'nesi. Divi Naanga Jizaazai walaabathehaa' gaminyawi daavina yadaa nemi yilaaya beri'na yaadevaka? Be yagaalya' widaathevaka? Naangeri yemwaaimanigohaa' yilaaya aaiharavaavine'na yivanigona? Sariminyinanyira.

20 Yo, sare' dare'nesi. Gaminyawi sarimi daavina yadaapiji nemi yilaaya yaade'nanyi. Nabaai, “Nemi sara kyo dahaa' dava mwaaiha,” yawirawaaji byaannakeina yima'naadeihlyi.

### 3

1 Sarevidaa'nyi sariminyina yawi'daa dina “Pizi'gwa mamwalaanna!” dina yona naarimi yilaaya'na dina “Anga Aathenizi gaveinaai mwaalaka!”

2 Dina yola sariminyawinna Timotiri widasaabina. Sahwai Kirazitiyarei neya'mwei mwaalaka Gotiyari widaayadei Kirazitiyare yagaala tewaanyavine avaiwawinyalyi. “Tezalonaaika mwaalyara Kirazitiyari limwadivi kumire kuryara nayaa mwaai'ide'naji jivaimwade'naji duziwaakya!” widasaabina yoi.

3 “ ‘A'mwera kayaa'na kyihyapiji nyagalya'mapidiika! Gotiyare diraginya' nayaa dilimwagyila!' duziwaakya!” widasaabina yolyainaalyi. Sare' dare'nesi. Sarimi' dara yawi'mwaasa' “Kayaa'na kaneyapiji nemi' 'Wikira,' daaza'na Gotiyai nedahilakakei daaka!”

4 Sare' dare'nesi. Sinnawi sariminyawi mwaalongaa' dara yihitho, “Naangerina pwara kayaa'na neyipi'de'nanyi.” Sara kyihitho sara kayaa'na yihyiwaasa' sarimi' yawi'mwaa'.

5 Kayaa'na yihyiwaasavi nimi' dina “Pizi'gwa sara mamwaaimuna!” dina yena Timotiri widasaabina. “Tezalonaaika mwaalyara Gotiyare yagaalya' nayaa dalimwamanigava?” dina. “Yaamiji yadei Saataani sahwaravi yaamiji yada kwaasi kudiwa' kayaa'na yipija'na daaka? Nemi' wawinya yaasiwa'wawinya nyima'nadika!” dena widasiwaabe.

6 Dahaasagaa' sariminyawidaa'nyi Timoti neminyawinna baka sariminyina yagaala tewaanya' makabina. “Sahwara Naangeri nayaa limwadiwi' pwaraavina kale wiadere,” makabina yiwa'. Nabaai nedawa' “Nemi' byiri'maaro'na yawi'divi' neminyina yilaaya kuna yivaniga'. Nemi' diraginna yawi'na 'Tezalonaaika mwaalyaraavi tinna wanganaana!' diraginna yawi'manigovaaibi' sahwara diraginna yawi'maniga' 'Apozeliyaraavi tinna wanganaana!' ” Sara nedawa'.

7 Sare' darevinyi. Dava a'mwera kayaa'na kaneye' taanga neyivanikesi. Taanga neyadaasi kiri' neya'mweihi, sarimi' Naangeri nayaa



lɪmwamanɪgasa'na yɪvaimwannadaa mwaaiho.

8 Naangeri sarimi diraginna  
wɪlamwaaibɪza'na nemi diraginna  
mwaaiho'nanyi.

9 Sare' dare'nesi. Sariminyina kadika sara  
wi'nona nemire Gotiyari yilaaya naanga  
yivanigo. Sariminyina yilaaya naanga  
yivanigo'na “Su! Su! Yilaaya naanga  
naanga gɪmarivanigo,” Gotiyari diraginna  
widadaanyaine.

10 Sawisavi yirikevi diraginna widadaa  
“Tewaanyaraavi tɪnna wanganya'na sawɪnna  
dɪnemakwona! Nemi tɪnna dara wanganaade'  
'O, Naangeri lɪmwadɪvɪsabwi maali'na  
yivanigasabwi daaka!’ Sara dawaaji  
yavada'galya'na dɪnemakwona!” Sara  
widadaanyainera.

11 Gotiyai Nenɪmaangei gami sali nemire  
Naanga Jizaazalyi sariminyawɪnna kaanya  
basamakwika! Sariminyawɪnna nemakwika!

12 Naangei diraginna yihigaimwagozi sarimire  
simunyangi yunebanna kale'ne sabwi diraginna  
wakana! Sara kyoji sariminyina neminyi  
kale naanga neyivanikabaabɪ' sariminyi  
Kiraazitiyare pwaraavinaji a'mwe pwaraavinaji  
kale naanga yihyana! Nabaai, naangave'na kale  
kuna yihyana!

13 Sara yoji sarimire simunya diraginna  
wakɪna kyoji divi Naangei Jizaazai gannya  
tewaanyaraji walaabathehaa' Gotiyai  
Nenɪmaangeryaba sarimi nayaa daavina  
jideihilyi. Sara kyoji yiwetawakya maayaihi

tewaanaangeihi nayaa daavina jideihilyi.

## 4

*A'mwere mwaalyabwina Gotiyai*  
*“Nawinyabulyi,” dake'nesi.*

1 Neya'mweihi, sarev+daa'nyi yagaala pini d+raginna yih+thaana! Nemi Naanga Jizaazari wilamwaalona kiwinya d+raginna yih+th+vanigo. Sinnawi sagaa' dara yih+z+waako. Sara mwaalapiji sana yadivi' Gotiyari yilaaya wigaibi'delyi. Sara yih+z+waakobaaibi' sara yivaniga'. Sara yivanigasaihi naanga sana sana jila!

2 Sare' dare'nesi. Naanga Jizaazai kanejiwaaka' yih+thonna sarimi yawi'mwaa'.

3 Sare' dare'nesi. Gotiyare simunyabwi dara yawi'mani' “Gimi nimoreigi tewaanyagi dimwaala! Ata limwangebwi minna!”

4 Sara yawirapiji gazaigizaigi ginnya balaangevi tewaanna d+maaka! Yawita tewaanyaj+yaigi kwala d+maaka! “Nimore a'mwe kwala maake mwaalika nawinya' gave dasi mwaalima!” da'gizi d+maaka!

5 Ajimya yuyangiyara Gotiyari myawiryara dika widadaa'nyiyara yaalivina maa'div+tabaabi' kwala maaa'dinna!

6 Tewaanyabwi mamarasi'ninna! Ja'mwerevi kuka maaa'dinna! Sabwina sinnawi jalikurakya' naanga yih+tho. Sabura pwara kypiji Naangei wirivik+radelyi.

7 Sare' dare'nesi. Gotiyai myawiri “Sahwara ata limwangebwi yipika!” myawiryaa'.

Aawa. “Sahwara nimirera tewaanyara nayaa mwaabika!” yawiraka nejiwaramaarakelyi.

8 Sasarevīdaa'nyi pwai yagaala da' marasi'najai a'mweraavire yagaalya' mamarasi'nyivani'. Aawa. Gotiyare yagaalya' marasi'nivani'. Gotiyai sahwai gannya Tewaanyai Kuryari yanga nejaavanikerewi yagaalya' marasi'nivanikelyi.

9 Kale wia'nebwina Gotiyai sahwaihiri yihiziwaaka' “Saigi ja'mwerina kale gyana!” Sara kyihiziwaaka' sare'na nimi myavikarivina!

10 Sare' dare'nesi. Sarimireba Kwaaka Maazathoniya yuneba sirya'mweraavi yuyaraavina kale yihyivani'. Sareihiri diraginna yihithivanigo. Gazaigizaigi kale naanga naanga gyana!

11 Diraginna dara jawika! “Nimi kave mwaalima! Nimore wawinya' kuna maremwaalima! Pwaraavire wawinya' kuna mamaremwaaimuna! Widaasadera diraginna nyidetabaabibi' ninnya asasi aawawinya yima!”

12 “Pwara Kiraazitiyarine mwa-sawinyaraavina wijiwaa'inya'na kaanya nayaa yamarima! Nabaai aane piri' kirivina nanyigainadika!” da'gizi ginnya asasi ja! Sara jawi'deiginyi.

### *Naangei walaabozī neyidikaavade'nesi.*

13 Neyamweihi, nemi simunyavi yawi'na “Kiraazitiyarera sidu'maayara namwaabithika! Kiraazitiyare pwara baimwa'daasaraavina wijiwakaana! Naangeri mu'nyadivisara

d̥ivi Naangei baryaraavi yid̥ikaasa'na myemwaalyad̥iv̥isaraavi kunnya baryaraav̥ina kale wiadevaaiḃ' Kiraaz̥itiyareraavi kale nyad̥ika!" Yaw̥i'na yona sare' yav̥ikarivan̥igo.

14 Sare' dare'nesi. Nemi̥ dara limwadaanyi. Jizaazai balaka ayina d̥ikaavakelyira. "Nebulyasi," dov̥idaa'nyi̥ dara dina "A'mwera Jizaazar̥i limwad̥iv̥i' bain̥ikeraav̥iji̥ Jizaazar̥iji̥ Got̥iyai makwalaabathere!"

15 Sare' dare'nesi. Naangei kaneji̥waaka' ya-gaala sa' d̥iragin̥na dara yih̥ith̥ivan̥igo. Naangei walaabathehaa' nemi̥ kwaihwaainakeina mwalaajaina baryara wa'dap̥iri myagalya'may̥i yawaaji̥ sinnaw̥i myilaawi yaadeine. Arikawi. Baryara d̥ikaavap̥iji̥ sinnaw̥i yilaaw̥ip̥i'derera.

16 Sare'na Naanga sahwai Sigunyav̥idaa'nyi̥ waidaavada jaka naanga danganadelyi̥ "Jikabyila!" Sagaa' ejeliya naangei jaka kudozi̥ Got̥iyare gware' makuradesira. Naangei jaka naanga kadanganoji̥ sinnaw̥i Kiraaz̥itiyarera baryara d̥ikaap̥i'dere.

17 Nabaai, nemi̥ kwaihwaainakeina mwalaadeinaji̥ sahwaraaji̥ sainaav̥i yarai nemak̥ilaawadeinera. Sigunyav̥i nemi̥ Naangeri̥ wij̥imaata'na yiraayang̥i ne-mak̥ilaawadeinera. Sara kyoji̥ yuyagaa' Naangeryaba mwalaade'nanyi̥.

18 Sare'na pwaih̥ily̥iyari̥ gam̥ire baryar̥ina kale wiadaa'nyi̥ wigaimwange'na yagaala da' kave duzila!

## 5

*Naangei walaabathe'na yemwaalya'nesi.*

1 Neya'mweihi, sariminyi myavikaryaanna!  
 “Sagaa' yima'nadehaaki. Sana yima'nadengi.”  
 Sara yawisaburina mihihainywa'.

2 Sare' dare'nesi. Sahwaihi mena dara  
 yawimwaa' “Sawisavi kukeibisai Naangei yarai  
 walaabathehaa' yima'nadehaaki.”

3 Pwara yawina “Dahaa' naryagaa'  
 kwaamu'nanyagaa' tewaanyagaakira.” Yawina  
 yapiji navika mwaalapijiyagaa' kayaaka  
 yarai wigaladerera. Yarai wigalade'na  
 a'mwe sara likaanya mwiyi yipi'derera.  
 Arikawi. Mudangegaa' a'mwe' daanga yarai  
 wividevaai' a'mwe saraavi kayaaka yarai  
 wigaladerera.

4 Sa'na kir' neya'mweihi, sagaa'  
 yima'nadehaa' sarimi maryaanga myipineihilyi.  
 Jihinyaw' mamwaalyigasa'na sidu'nakeihi  
 maryaanga myi jideihilyi. Kukei bada  
 a'mweraavi maryaanga bivalakade-  
 vaai' sagaa' sidu'nakeihiri maryaanga  
 myihyanneihilyi.

5 Sare' dare'nesi. Sarimi Baakeihi  
 Yirikeviyahilyi. Sarimi Naangeregaasihilyi.  
 Nemi jihinyawiyaina mi'. Nemi sawisaviyaina  
 mi'.

6 Sarevidaa'nyi pwarabi' se wakatabaai'  
 naraadika! Aawa. Tinna nayaa baihanaraana!  
 Simunya nayaa yawiraana!

7 Sare' dare'nesi. A'mwera se wa'divisara  
 sawisagaa' se wakasare. A'mwera biyaaya  
 nadi' yimaka widivisara sawisavi yimaka  
 widivisagaaki.

8 Sare' nemi Naangeregaasaina mwaaihovina

simunya nayaa yawiraana! Sareina Romiyara aawilasara saabya yividiyi' mwaaihi'nya diraginya mwaaihi'nadivi' malyagaa' tewaanna mwaaidivisarabisaina mwalaadeinera. Nemire saabya' Gotiyari limwadaanyabulyi. Nabaai, a'mweraavina kale wiadevulyi. Sahirisira. Nemire mwaaihi'nya diraginya' nemi diraginna yawina “Gotiyai nevadaihasamaaradelyi,” yawina yadaa yemwaaicho.

<sup>9</sup> Gotiyai maji “Saraavi maanga widima! Mala wiramima!” maji yaka newakakelyi. Aawa. Gotiyai dina “Sahwaraavire Naanga Jizaazai Kiraazitiyai padaihasamaaraderera,” dina yaka sabwi nejaavake'nanyi.

<sup>10</sup> Kiraazitiya sahwai neminyina balakelyi. Gotiyai neminyina yawina “Sagaa' walaabathehaa' Kiraazitiyare pwara baihana'divisaraji kwaihwaainakeraji Kiraazitiyare pwara se baidivisaraji Kiraazitiyalyi mwaaiika!” kada' bala'.

<sup>11</sup> Sarevina gazaigizaigi yawita nawi'nya sa ja'mweri diraginna jivaimwana! Kiraazitiyareri diraginyari divada'galayvaimwana! Dahaa' yivaniginyabaai' sara kuna ja!

### *Yagaala aayannes*

<sup>12</sup> Neya'mweihi, kiwinya diraginna yihithanganaana! Naangei sarimijiyaraavi dahilaka' “Nimireraavi nayaa dimaremwaala!” Sara kadahilaka' sahwara yihiziwaakadivi' sarimire simunya yavada'gaidivisare. Sahwara sariminyawi Naangere wawinya yadivisa'na

nayaa dara jawika! “A'mwe naangere. Nemi nayaa widaana!”

<sup>13</sup> Wawinya yadivisa' yawira'gizi kuminyina yilaaya yadi dimaryawika! “Sahwara nemaremwaaidivisa' tewaanyasi.” Sareigi Naangereraavina avaaizimunya'na dimwaala!

<sup>14</sup> Neya'mweihi, kiwinya naanga yihithaana! Sarimijiyara wawinya myadivisaraavi duziwaakya! “Yaasiwa'na namwaaidika! Wawinya ja!” Pwaraavire kuryara diraginya maayara lika yadivisaraavire kurya diraginyara dumwaaihya! Pwara simunya diraginna myawiryadivisaraavi wigaimwange'na nayaa dimaremwaala! Yuyaraavi kave ja! Nayaa duthana!

<sup>15</sup> Da' jawika! Pwai sarimijiyari kayaa'na kyoji minya mamaranna! Minya mamaa'dinna! Aawa. Sa' diraginna jawika! Tewaanyaburi dimidina! Kiraazitiyareraavi tewaanna ja! Yuyaraavi tewaanna ja!

<sup>16</sup> Gazagaasagaa' yilaaya ja!

<sup>17</sup> Yuyagaa' Gotiyari duthana!

<sup>18</sup> Pwara kayaa'na gyipijahaa' pwara tewaanna gyipijahaa' yi yuyangi “Su! Su!” Gotiyari duthana! Sare' dare'nesi. Sasareiginyi Kiraazitiyai Jizaazai gannya diraginya' kagizaavoji Gotiyai simunya sara gyawidaa'nyi “Nimirera nayaa yipika!” gimisi sana sana ja!

<sup>19</sup> Kurya Tewaanyari myigaa'mwadinna!

<sup>20</sup> Sare' Kuryai kudozi a'mwera Gotiyare yagaala kagiziwaakapiji yaasiwa'na “Waryaanyasi,” madinna!

21 Aawa. Yuyangi kadika wi'na'gizi nayaa di'maryawibwaka! “Tewaanyasi,” da'gizi dilimwagaka!

22 “Kayaa'nanya gazasa',” da'gizi dasi'nana!

23 Gotiyai gami sai kwaamu'nanyabwi kininnakei gamireihi tewaanyaihi yuneba yihimwaaihana! Sarimire kuryaraavi sarimire simunyangi sarimire kilaakejikaavi nayaa maremwaalana! Yuyagaa' sara maremwaaida nemire Naangei Jizaazai Kiraazitiyai walaabathehaa' dara wanganade “Ya, nawi'nyarera. Yiwetawakya maayarera.”

24 Sare! Gotiyai yihithahilakivanikei gazagaasagaa' tewaanyabwi yadei sana yihimwaaihadelyi.

25 Neya'mweihi, neminyina Gotiyari duzila!

26 Kiraazitiyarera neya'mwera yuyaraavi yilaaya yadivi' neminyine'na maangwidaayilaaya jinyila!

27 Naangere diraginya'na naanna yihithima! Pikariyikwia da' neya'mwera yuyaraavi duzila!

28 Yuyagaa' nemire Naanga Jizaazai Kiraazitiyai yange'na tewaanna yihigaimwagana! Gannya diraginya' yanga yihizaavana!

*Poli*



**Yipma Genesis and New Testament  
Genesis and The New Testament in the Yipma/Baruya  
language  
Buk Stat na Nupela Testamen long tokples Yipma long  
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 18 Apr 2025 from source files dated 9 Oct 2020

ef60f748-49e3-5ee0-8e6d-a25b74b7a93c